

Engelbert Bach

Herbstlia Frag

Was mecht der Wengert
 nach der Las?
 Wenn dia traurien
 Ragn kumma,
 as letzta Beerla
 vergassn it
 und faul und runzli
 rümhängt?
 Ar werds derfahrn,
 wias aa der Leut geht,
 wenn sa Hab und Guet
 verschenkt ham
 an dia raffgieria
 Verwandtschaft.

Hernach
 läßt sich keener mähr saach.
 Denn was braucht mer
 dankbar sei,
 wenn mer Wengert
 odder Schtumm
 rausgarämmt hat.

Nach der Las
 sen dia Schtöck beschäftigt,
 jäids Blatt
 zu verabschiedn.
 Leichtsinni worn,
 wölln sa
 der Träuwl nach,
 neugierig gamacht,
 vom Fernwehgeruch
 der Laser.
 Bloß daß niet guet ausgeht,
 war wäß des scho. –

Nach der Las
 wern dia Wengert
 dorchsichti.
 Bläst na
 der Harbstwind
 as Vaterunser dorch
 dia Rippn.
 Bleit in dia
 leergeloffena Austrieb
 a kleena Ahnung,
 daß des ee Jahr
 niet olles gawasn sei kann.